

四庫全書

集部

欽定四庫全書

集部

西河集卷一百六十八

詳校官編修臣曹城

助教臣常循覆勘

總校官庶吉士臣倉聖脉

校對官庶吉士臣吳省蘭

謄錄監生臣許溶

欽定四庫全書

西河集卷一百六十八

翰林院檢討毛奇齡撰

五言律詩

江水

江水稻滔下浮雲蕩蕩開烟霏朝日起沙動早潮來舟
落蕪關遠帆紆瓜步迴山前空幕府無復舊軍臺

過采石有懷李白

李白揚帆出曾披宮錦袍
我來尋舊蹟空見水滔滔
墜石分風急清江蹙浪高
綠蘿寒月下一詠醉酩酊

塞下曲

結束事長征前軍早抗旌
闔山雲裏度隴水笛中鳴
鎗衛三城戍良家六郡兵
爭先須努力驃騎舊行營

省壁

新都山行作

沓壁迴青嶂懸峯落翠微
曉雲隨馬去春草待人歸
溪漲平流沫林長間落暉
十年棲隱志貧賤苦相違

入山偶成

種藥神農地牽牛巢父家
水禽時變響山草遞開花
雲隙流天影巖空墜日華
春深人不見愈覺此中遐

過梁園

春風吹薄雪剛度梁園時
駐馬一為賦悠悠使我思
繁條抽野館細草滿長陂
千載鄒枚興無人與共知

宿商丘作

弱柳環城細叢菁被晦繁
春天行宋苑暮雪度梁園
曲

閣飛花冷寒袍點絮溫清冷池上客誰與共開尊

行上江將次入湖出馬當山下語船子

只覺雲颿駛寧愁江路長乘風開魯港計日上潯陽曉
嶼翻龍蟄秋花豔馬當黃頭天上轉辛苦擢船郎

江行

日日上江行秋風兩岸生波翻當利浦天盡豫章城磯
路烟樓迥關門水木清前灘爭賽過杳杳聽鳴鉦

渡黃河全王侯服栢肯堂兩明府作

淮海南來盡黃河北去高百年吾渡此萬里一波濤落
日迴檣櫓春風滿布袍相期慚破浪不敢上君舳

釣州署中夜飲題史使君惜陰亭壁四首

春夜開官閣華燈散酒栢天高星漢合地勝鳳凰來小
檻凌橋聳繁花照水開中宵幽思洽疑上古釣臺

嘉模
曰釣

州以夏饗釣臺故名
署有黃霸集鳳凰址

二

暇集黃公署宵分大禹城人標清穎志亭以惜陰名短

燭圍紗冷方塘引溜輕相逢能痛飲藉有使君情

三

暗水平當席春鳩宿繞枝河魚烹菜釜露蘂滴鈞瓷

以時

自製鈞州瓷
插花侑酒

臺迥迷長葛星寒掛具茨子房初隱地俯

仰一追思

四

襖被聯深解盤餐勝故鄉官貧情較切漏短話偏長
水通池細襄陵瀉酒香馮唐吾自老汝已久為郎

飲汴園

我愛魏公子西游入汴園
楊花天際落蝴蝶草頭翻
估市停車騎繁臺對酒尊
侯生悲老去不復在夷門

登太白酒樓

太白何為者夷然醉此樓
千秋狂客去吾亦此中游
碧柳當軒合青天入濟流
金魚誰作佩來往任悠悠

入嵩陽將登嵩嶽有作

太室群峯峻輶輳拾磴長
春雲飛馬足愁絕古嵩陽
玉

女搖潭水山花墮石梁漢皇金匱杳何處挹瑤漿

登嵩嶽感懷

昔誦嵩高峻今知喬嶽尊紫微通帝座黃蓋繞天門中
宅思伊洛平原眺陸渾春心千里度極目總愁魂

上子晉峯懷姜十七梧蔡五十一仲光錢六霍
不得毛甡友同登子晉峯青天空浩蕩揀滿碧芙蓉伊
闕黃河湧函關紫氣重攜君詩句在驚下九潭龍

游楊氏園林和韻

共攬名園勝寒風曉渡河長堤環墜柳曲閣掛層柯疊
石剗巖礪開樽對薜蘿赤欄迴合處愁望起高歌

二

重坂尋幽境崇臺設錦茵相攜金谷酒同是兔園人白
落寒郊木丹流石洞銀巖颺隨倡和真覺愧陽春

飲吳晟

永夜開襟緩茅堂對酒清環林棲鳥靜深燭照人明冰
雪鄉關思盤餐地主情雋才推附子羨汝早知名

齊州道中遇雨

千乘起黃埃終風終且霾雲從滄海上雨自泰山來村
酒春前釀障泥渡後開東行分霖霖愧乏濟時材

疊嶂

疊嶂丘中度晴川郭外分草烟鷗尾散花氣馬頭薰樹
響疑過雨山遙不斷雲棲棲瞻闕里不欲忘茲文

懷蔣斐濟上

曾遇張公子傳君下濟川今來濟口望不見杜陵船泰

酒東亭晚楊花春店前江東賀監在翹首正蒼然

微說曰西

河與大鴻先生最好聞在故淄川相公宅往尋之不過涕泣而返大鴻稱杜陵生

收綠堂小集即事

胡秦膚別業也

別館分晴早閒堂收綠深樽中饒美醞座上有鳴琴屏
散蒲葵彩城垂薜荔陰相逢毋恨晚所藉在知音

二

碧幃依修堞青枝繞曲房到來惟有靜坐久自生涼檐
鳥隨風轉庭花散雨香樽盤成晤對幽思總難忘

漫成

遲日思難盡方春人未還平樓看野集短草度空山少

婦騎驢穩村童牧豕閒可憐逃楚客猶滯武津關

微說河

以北呼市曰集呼瞭
臺曰平樓此是方語

早行

涼月尚在地出門趁早行燈前騎馬去草裏聽雞鳴漲
水傾河岸連山度土城勞歌相繼起全有旅人情

從遲村湖到王鄮橋道中

宵發遲湖口明經王鄮橋星稀遙岸火風起逆舟潮霜
店藜炊早烟林棗路遙百年豐沛地環視總蕭條

微說地

陽屬鳳

雨過

雨過麥苗清楊花撲地輕平田千蝶舞深店一驢鳴上
估牽車度村姑擔水行雙帘鯖饌美猶似汴梁城

集鳧亭

小檻當湖勝茅堂曲水西綠楊賓騎滿碧篠女墻低落

日傾樽晚隣園入牖迷酒酣悲聚散展轉愧雞栖

廣陵城下作

白露流江浦黃花隔永興鄉心異潮水夜夜返西陵人
靜垂銀鑰天高墮玉繩城南一回首千里暮雲蒸

夜泊與隣舟袁少府

西望紆蠻服南行去楚天看隨佑帆落佳近酒樓邊白
鷺翔荷岸青鳬散蓼田月明高詠去知是下江船

寄朱郡丞惠州

半刺行循郡清戎到博羅銅符分殿虎銀綬拂嵩螺翠
羽翻江閣明珠耀海波東官吟和處應憶舊羊何

王生之嶺表

伏日番州路秋風瘴海邊王程隨桂楫官閣近花田高
讌傾柳酒涼衣絮木棉紅亭分手去愈覺右軍賢

淮安道遇吳百朋推官補選赴都

夫君舊名讞補闕上燕關八月寒風急相逢淮海間官
程環古道客思滿秋山幾樹王莊柳流連未忍攀

奉送吳推官分韻

淮海送郎星蘇州舊理刑
竭來當白露此去簡彤庭
清口裝銀勒張橋倒玉餅
可憐羈旅客還上短長亭

山行過美施閘

西子湔裙處行人喚美施
山花鴟子髻浦竹女兒祠
教舞宮城豔吹簫里社思

苧蘿村祠西
子為土穀

至今山下水流出

似胭脂

二

水碧如漂鏡山青似洗粧柴門啼鳥細村徑覆蘿長零
雨浣紗石繁花走馬岡當年教舞去祠下換衣裳

山行

幾欲尋幽徑重來倚杖藜山空收霧早溪淺漲流低松
飯炊難熟桃花看易迷林深無犬吠一任乳鶯啼

舟次

江縣孤帆次飄飄震澤東人家斜照裏湖寺暝烟中柳
港炊新火菱歌動晚風攏船雙赤脚祇自喚吳儂

和顧織簾齋居同令子伊人倡和遺冊原韻

我愛顧夫子逃名在近闕只今遺嘯詠猶是戀鄉山
靡草生皆潔藤花落自閒鶴鳴留和處相對一開顏

次奔牛

裁過毘陵驛常州與潤州橫帆如快馬荒鎮是奔牛
白杏千村暮黃茅兩岸秋茫茫何所屆潞彼一舟流

自呂城至丹陽縣途中

仄阜高行緯低沙曲上舟曾魚交揔蓀踏水自翻謳
赭

岸通橋店紅竿隱寺樓涼風吹濁浪京峴已清秋

西子

西子吳中去盈盈住館娃自憐桃葉好揷滿鬟邊釵捕
鯉開荷屋棲鳥下柳街莫嫌嬌貴甚夫婿是夫差

輕薄篇

馳逐來三市遊遨遍五都輕裝隨宿衛好酒瀉當壚東
第呼公子西京隸監奴秦家多桂樹只射樹頭烏

二

少小學從軍閒游迥出群鈿箏彈雁字花袂刺龍文夜
月留初舞春風解宿醺東方千萬騎上坐是夫君

經太湖

七月吳闕路涼風起具區朝光開四塞秋氣滿重湖葭
樹看迴合烟波蕩有無揚州稱巨浸一半在姑蘇

潤州早發

東楚驚秋暝南徐趁早程星飛京峴口水落潤州城海
日連雲起江烟拂浪生經行高唱遠徒有謝公情

渡揚子

我來渡揚子天氣正高秋
挂席乘風去平潮浩浩流
江闊開巨壑海樹隱孤舟
不辨金山寺鐘聲水上浮

渡左蠡作

掛席渡左蠡秋光映太虛
大江猶作滙陽鳥正來居
彭澤環山盡湓城落日疎
星潭何處是一問此中漁

將登廬岳口吟

始得瞻廬阜巍然入杳冥
巖垂秋水白風落暮雲青
瑤

草紛丹壑金書曜紫庭登臨慚羽翼長嘯倚林垌

章江道中

南日章流外西風浦櫂邊年華看又過秋色到依然丹

嶂芙蓉老青林橘柚圓征衫愁漸薄何日定歸年

徵說曰章

江上名橫浦
下名南浦

二

浦浪吹仍削江烟冷易收片帆章口暮斜日武功秋荻
短銜沙艦楓高倚石樓饒南重回首司馬在江州

逢長沙王孝廉索書卷子因贈二首

每愛湘潭客能披七澤雲今朝賴水上猶喜一逢君桂
樹橫江館荷花映練帟漢庭曾對策珍重賈生文

二

邂逅江城晚盤桓野觀秋座中驚輔嗣名下識王脩氣
與青天合文成碧漢流昭潭新橘柚看汝賦離憂

彈琴妓

嶺嶠花初落江樓夜未央美人抽碧軫神女弄空桑清

角風前怨冰絲指下涼郵亭雙鬢影長念楚明光

二

小閣開江月平軒倚柳條樽前操急縵手底瀉歸潮低
露生磐石清風出藕苗楚妃連宋女相見果非遙

三

綠綺回長線紅衫映斷紋啼鳥愁浦樹流水憶湘君撥
去將垂釧彈時數欵裙曲終多苦調不欲座中聞

姜琦曰梁詩玉釧逐絃搖又箏賦欵垂衫於膝
前此與前低露清風二語俱是用古寫當境法

吳使君南還

同作梁園客新從庾嶺來三春章貢水萬里鬱孤臺酒
盡朱絃繞花銜錦纜開使星終夜動看向斗邊迴

長至夜讌集湖西署同賦

南至逢辰聚西堂授夕餐霜吹緹幔合燭動絳紗寒瀉
酒驚花漏高譚愧素冠今朝添線始莫惜夜漫漫

二

深宴酬時令清池起夜游天風號過雁日影下牽牛酒

煖葭灰發歌迴燭樹流樽前有王粲不道滯荊州

鄉溪道中

娟娟車盤路鄉溪又葛溪雨來山洞濶雲偃石屏低村
店梅花落江城柳色迷王孫歸去晚前度草萋萋

聞笛

寒浦秋將盡青天月欲流誰人夜吹笛獨上最高樓河
內歸常侍平陽臥督郵清宵江上望愁煞一孤舟

過西江幕問張七又去粵揀行篋見所寄長句

是幕中見懷感而為詩

不得張郎信聞君度嶺遙日從蠻嶠轉歲與瘴烟銷
笏竹天邊郡藤花海上橋武溪書未滅目斷日南標

二

甫幸炎天返仍看絕徼違徒藏金索語不見漢槎歸
海縣丹砂酒雲山翡翠衣征西空幕府回望轉依依

聞朱山陽遷吏部稽勲喜賦

聞道朱明府今為吏部郎玉函將啟事金殿早含香
庾

亮尋清士嵇康有報章果然彊直令千古遜南陽

二

相鳥求榮木斑鴛列選曹稍遷同謝朓偉識重山濤六
計勲初獎三年治自勞故人王貢誼頻整舊綈袍

送陶軍府移鎮雷州

陶侃行南服移軍鎮海康樓船通象郡彊弩下龍岡慕
映珠光白碑分銅柱黃漢庭懸尺組只為使蠻方

游青原十三首

十月寒光滿深林一徑斜晴巖開午霧霜樹落秋花石
沫穿雲渺鐘聲隔嶺賒籃輿迤邐入四顧總烟霞

二

越礪路方曲到門山轉深石亭秋未暮溪閣晝生陰象
鼻環花岫龍堂蔽梵林欲留雙樹下前望起沉吟

微說曰象

鼻巖
名

三

青櫪高成幃丹宮迥在霄開天迴地脉架水過山橋仙

犬迎人近村雞唱午遙虎溪原不遠此地好招邀

四

七祖傳衣地居然古道場珠光飛寶璫金軸麗空王卓
錫抽巖瀑譚經繞石梁香臺雲滿處一過贊公房

五

絕磴攀雲莽高龕接露藤道傍三昧水山半六朝僧歸
鳥迷荒洞寒花摘斷塍峯前真陡立何處覓傳燈

六

溪曲多橫嶂山寒少落桐魚吹沙底沫虎過草頭風積
水連衣碧斜陽隔樹紅欲行難問渡恐入武陵中

七

孤亭當礪曲空翠襲衣襦水裏調笙瑟山前語鷓鴣日
斜迴地薄雲影渡溪無為愛少叅句長吟墮玉壺

亭有趙韞

退施愚山
兩少叅詩

八

更上龍潭側還尋舊釣臺毒龍何處是我欲負竿來水

鬢爭流斷林衣拂地開石頭聊憇息佳興正悠哉

九

曾尋貝多樹扶杖過嵩山碧草自開落白雲空往還西
江優聖域東渡敞禪闕渺渺幽棲境高風未可攀

十

藥地留殘莢松壇望落暉百年曾未遂千里竟來歸江

竹扶行屐天花繡衲衣何時開白社得與遠公依

此首
贈藥

地師

十一

不惜回短景還同眺遠峯
渡溪騎鸞驚近岸坐芙蓉
幽興循盤蟻清譚起蟄龍
暝烟生萬壑空外數聲鐘

十二

香閣翻經邃僧寮款客閒
月沉燈影動山靜唄聲寒
警板棲鳥醒虛牕墜葉乾
中宵峯頂露片片落旃檀

十三

日照上方西清猿浹曙啼
同行張鏡在

謂張荀仲先生

徐下碧

雲梯疊嶂封龍洞三人笑虎溪秋山回首處烟靄望中迷

施少叅席送張纘孫之粵即席和韻

日暮群賢會蕭蕭江畔洲暗雲圍北郭新月上南樓酒
逐歌聲送花隨燭影浮明朝庾嶺客肯為鎮西留

飲湖西官署兼贈施彥淳彥懋二公子之蕭江

二首

遂有南樓興悠然官閣東天高霜氣白夜靜燭花紅縱

飲追元亮清談起謝公庭前雙玉樹皎皎又臨風

二

遠道追騏驥清霄覩羽翰庾王先後著元季弟兄難漏
盡香城夜星搖碧嶂寒酒闌愁極目雙雁起金灘

登愚樓

薄暮倚丹樓雲山一望收尊前浮古堞樹裏見行舟寒
浦歸鳥鵲春星逼斗牛愚公清嘯地長為故人留

飲就亭觀愚山集

西郡清樽晚臨江官閣深亭從青磴入臺敞碧山陰高
樹芙蓉屋寒烟橘柚林使君辭絕妙夜坐費幽尋

亭左名芙蓉

屋

袁江示繁條

碧峽來春雨清川泊晚潮客心如細草愁對是繁條玉
女臨巖翠金蠶出地銷袁江初漲日羞過湛郎橋

謝胡大公子以寧

短衿迎寒日清江傍客居劉生誰似爾鮑子故知予滅

燭他鄉酒高歌幸舍魚中宵頻感激不忍上柴車

秋山

寂寂秋山裏行來徑盡迷橋歌因礙石巖斷又逢溪枯
樹懸朱萼飛泉掛紫蜺寒林延佇久冉冉暮雲低

觀瀑

幽壑分流急漂漂幾道傾濺衣嘗似雨坐語不聞聲激
溜因崖折漚花帶草生匡山雲霧裏一望不勝情

遇曾副使宏有贈

白首歸田候清江曳杖年千秋高北府兩使盡南天桂

酒度陽幕椒花嶺外船至今留石屋猶誦丈人賢

曾自號石

屋老人

二

玉節臨荒服黃冠返曲沙賦曾飛綵鳳筆下綰秋蛇彭
澤新凋柳東陵早刈瓜相逢剛晚節莫惜髭邊華

過施男廉使寓亭

繫艇隨行客聽鐘到寺樓十年遺豸節一榻臥羊裘耆

傳成江表蠻碑著嶺頭盧陂千頃雪宛在碧天流

許使君歌席

華琯吹蓮幕清觴度錦茵使君真愛客妙伎總能神
繞緋紗短歌翻白紵新瑣兒方九歲冠絕魏宮人

贈許使君小歌婢

金雀鴉鬟小銀箏鴛背分種花先種葉為雨早為雲
春草編歌扇秋江濯舞裙瑤臺一十二安置任從君

于廬陵就讌詩

有序

乙巳冬末群公西游者共集於雙江之濱惟時玄飈
歛凍烏裘嚮春儼車騎之將徂展蒯緱以自惜幸逢
廬陵令于公慧男以河陽之長作平原之邀下榻南
州為歡東道恍入戴逵之官舍便羈司馬于都亭于
是令君者本屬人倫之表今成國士之知千里幸合
一時難已屢做習池之勝游不假鄴園之公讌烹魚
來幸舍似乎迭相為賓醺酒過柴車不知何者是客借
芳洲之行樂同金澗以賦詩刻燭授言不拘句韻

日飲廬陵酒還看醉孟嘉宦游同是客賓至久如家山
管寒吹雨江螺碧抱沙當杯看燭影舞袖幾行斜

二

出郭攜行屐芳洲載旅觴陶公過栗里山簡在高陽花
雨迎春發歡情入夜長前灘歸路渺燈火看蒼茫

春四日飲張經別駕署中

新歷回南郡清樽對晚衙入吳逢子布傍斗見張華夜
火烟如霧春街雪作花椒盤同歲序何處是天涯

二

江上逢春早盤中瀉酒濃
虛亭圍薜荔深幕坐芙蓉
雪映筵花細雲垂郡樹重
新鶯啼欲下醉裏聽從容

游象巖

天幕垂堤曉仙亭入路寬
春雲漁父宅山雨藐姑壇
亂水停帆遠諸峯擁髻寒
此山真可隱莫復問車盤

周南郡墓下作

古縣連青嶂春山帶夕陽
誰人遺舊壠千戴一周郎
雄

鎮巴丘險荆門天塹長英雄何處見下馬汨浪浪

重游青原七首

為念青原勝重來過祖堂林疎驚岫豁源遠識溪長曲磴連雲壑空壇到夕陽上方鐘磬杳相視轉蒼茫

二

入寺愁雲暮尋山恐路迷幸隨元亮舁再宿遠公溪佛壁開新畫禪房記舊栖譚經聽未暝延佇石梁西

三

策杖逾前磴攜餐上晚亭園葵披露碧山木擁潭青怖
鷁飛珠璣歸龍繞鏡屏釣臺相望起渾欲渡滄溟

四

共發清鐘曉還尋衆壑深歌流綠岸仄初日隔山陰銜
木天邊鳥飛雲石上心前岡不可度歇馬在長林

五

嶂合前車隱峯迴縱屐遙循崖嘗避石渡水不須橋午
過蓮闌飯冬晴藥地苗青原幽絕處一憇舊僧寮

六

內史推靈運賢師過惠休浮盧開碧澗愚谷本丹丘接

塵超林樾層茵坐石流清霄笙鶴下恍在萬峯頭

時施愚山

與樂公坐石久
談浮盧樂公號

七

不信曩游淺居然新徑通山橫臨水白霜草接春紅飲
犢迷樵路飢鳥散梵宮盤溪三十度總在碧雲中

分得咸韻同諸公餞劉涑之贑州

高觀成清餞深杯喜共銜因歌彈短鋏就道擁長鑱朔
雪虔陽樹寒風贛水帆明年歸雁度慎勿惜書緘

送曾三還峽江同用鮫字

曾子真豪士英年在草茅窮冬歸玉峽樽酒送寒郊車
路停邊馬刀容飾海鮫揚雄今愧汝不敢解人嘲

又同用江字

送汝東歸去章江共峽江天涯人好合國士爾無雙野
鳥啼清觀梅花點玉缸名材知待用何必問三邦

下回

مجلس شورای اسلامی

22

西河集卷一百六十八

欽定四庫全書

西河集卷一百六十九

翰林院檢討毛奇齡撰

五言律詩

趙司馬任長沙

久擅鸞龍譽
新逢展驥秋
驅車遵嶽麓
司馬重潭州
青橘湖邊酒
黃陵廟下舟
湘南十萬戶
乍見一星留

題黎城令去思畫像同韻

像坐石手
持一杯

驅虎曾留治棲鸞舊有名彈琴懷趙亮畫像對方平坐
隱壺闕石杯銜潞水清披圖遺老在誰不認黎城

贈移居

一牖長開甕雙輪且載書陶潛方卜宅晏子又移居野
隧通流細隣牆鑿照虛東西花外路何處少來車

二

在昔傳遷教于今識處仁到門無雜客是巷有居人藥
竈分精饌花堦當繡茵清談饒徃復張鏡在東隣

樓雨作石榴賦答友見訊依韻

顏淵嘗負郭王粲已登樓君自歌山木吾方賦石榴烟
霏林外動雨氣檻邊浮不道游梁返從君又唱酬

送孟遠之京

梅雨大江平朱花驛路明三年溟海客五月永興城白
紵留歡曲黃金市駿名舊京屠狗在到處有逢迎

何紫翔女弟子彈琴請賦

纖手落珠盤躊躇軫未安停絃分黛巧拂指墮釵寒月

露低紅幕春波瀉紫瀾龍唇和鳳足都作錦心看

月

不道他鄉月今宵偏倍明大江通夜落高閣近天清暝
樹千重遠人烟一望平鄉關看漸渺愁聽暮鴻鳴

游俠曲三首

結客平陵去從軍灞澹游黃金懸代馬紫艾飾吳鉤
睨傾三輔縱橫過五侯揮鞭何處宿西北有高樓

二

白羽關弓勁青芻飫馬肥名成排難久恩在報仇稀花
氣風吹鉞珠光日照衣長懸三尺組願取右賢歸

三

劇孟原多義劉生未是狂徵歌輕百萬縱博便千場醉
狎平原客書平大夏王從游新子弟半在鬪雞坊

少年行

久宿金張第新隨趙李車銀鞍珠騾裏寶帶玉蟾蜍翠
羽遮蘇彈鮮花插妓裾平明馳委巷只為問專諸

二

六郡齊推轂三河舊擅場傳家中衛尉拜爵羽林郎紫
燕穿雲疾青骹掣露長東隣碧玉好休嫁汝南王

才子

車騎梁園貴風流鄴下推鴻名驚海立藻語挾天來漢
賦黃金重江花綵夢迴傾城爭慕悅幽思滿琴臺

麗人

絕代曾聞唱專房舊有名春雲花底豔朝日鏡中生金

屋憐藏慣鉢衣愧織成生來懊惱性不解茂陵情

二

十五盧家婦千金秦氏娃尚衣歸玉輦修幔繞銅街獨

繭分眉縷雙龍入髻釵高唐新霽後雲散滿天涯

徵說曰街

或作堦誤沈約賦銅街麗人

和張纘孫慕曾吳百朋馬駿程淞於倪之煌草

堂宴韻得秋字

曲院新槃合清樽花榭幽淮南叢桂晚天上白榆秋對

酒逢三益分鯖過五侯射陽新月影看入玉杯流

賦得秋字贈倪之煌

知爾能千古思君歷九秋相逢公路浦猶着子陵裘涼
月浮洪澤寒風動楚州千金亭下過尚擬飯韓侯

碧玉

碧玉南園裏春光事事新
緋花嬌映面黃蝶小隨人露
重滋裙繡風生約領巾
三朝并五日何處少良辰

同客飲歸

金鑰下嚴城官街一望平客難騎馬去月似逐人行花
犬驕還吠桐烏棲欲驚樓頭有紅燭為汝一相迎

飲程涑進士

久念瀛臺客忻逢淮水頭花間開露席醉裏解霜鉤譽
重三都賦風高百尺樓寒城刁斗靜長憶漢通侯

贈程涑

淮水下甘城東游遇少程文章遺世俗意氣重平生結
綯傾湖海閒門繚杜衡承明獻賦客尚自愧難兄

二

十載思君久三秋遇汝來
論文枚叔里把酒伯倫臺
紫鷄橫沙起黃花繞砌開
蘆中有窮士相見莫相猜

張新標吏部初度

曉日啓瞳矐金樽琥珀融
嵩生懷甫相人望屬山公
顥氣當關紫秋仄渡海紅
內庭饒部伎幽興滿絲桐

二

繁紱開華屋縣弧就綺筵
鳳毛飛綵袖雁足踏冰絃
淮

水長流地張星本在天漢庭尊弊更一倍惜君年

飲黃園過宿馬西樵聽山草堂

雨夕名園飲隨君宿草堂暗星流地濕夜水到門涼
影牀頭短交情夢後長曉來湖口望烟霧正蒼茫

二

地僻烏啼早林深日上遲竹垂猶帶雨花煖漸飛絲
曙色當虛牖朝烟散遠陂東湖頻放棹不敢忘前期

贈王孫晉四首

汝本佳公子英年擅妙才賦成天漢繞筆落海濤迴蕭
寺停花駟蓮堂共酒梧涼秋叢桂裏藉汝一徘徊

二

斯世難為偶伊人可樂群文章傳有日意氣看如雲孤
榻憐秋晚登臺感夕曛年來抒史傳只記信陵君

三

大雅將誰屬名材有是家揮斤逢郢士鼓瑟戀瓠巴良
宴千秋賦寒城九月花登高雲閣後吾欲上君槎

西河
有雲

起閣登高詩并
序見七律卷

四

家世錢王裔移來隋苑人
三秋登北固二十度南閩
譽起推黃絹文傳對白麟
天涯漂泊裏念汝早風塵

家人隨行者歸待海陵續寄

送汝還江滸浮家泊海涯
榴開憐晝永草短恨春遲
淥浦停雙槳青衫綴五絲
渡頭休錯聽喚買豆娘兒

嘉模
日前

詩云渡頭喚買豆娘子
正是我來江上時
故有落句見七古卷
蔡子構有代答詩

憇一漚亭

漲水浮千頃，寒亭對一漚。
近城朝雨暗，孤榻暝烟流。
碧樹橫前檻，朱花蔽遠洲。
湖南饒古寺，鐘磬日悠悠。

懷鳧亭答寄

久客思家切，懷人惜會孤。
幾番迴北轍，只是戀東湖。
逼牖生雲莽，閒亭狎野鳧。
從來乘興事，多半在菰蘆。

蔡爾趾劉漢中黃世貴舒章倪之煌童衍戴金
舒起鳳集一漚亭和爾趾

曲渚環幽榭臨流近野航樽前雲鶴舞城上草花香水
漲分隄帶歌清繞竹房今朝良讌會能慰客愁長

集閻修齡若璩父子即席

東第邀群彥西園集酒徒清缸開玉露畫漿待珠湖角

綺梁王賦烹鮮陸氏厨謳吟相間發不忍聽驪駒

嘉模曰珠

湖即東湖時查伊璜同赴飲嘗曰即
事可念者莫如畫漿待珠湖五字

二

白恰聯深幃黃花插近筵賓朋王謝貴父子庾徐賢水

調翻銀管冰漿瀉玉船淮南秋色遠對酒正蒼然

施男所著名印竹杖賜教却賦

都嶠蒼梧使印山博望枝荒經徼外得新語橐中遺碧

楮繙銅鼓紅藤緘石脂東觀饒祕笈惟有長卿知

施長卿石

渠講
易

寄呈伯兄六十初度時余滯淮

困甚猶知歲游來倍念兄違時驚甲子徹夜望長庚故
國雙樽啟清天一雁鳴淮南叢桂樹長是傍霜榮

二

好學會觀國流年竟杖鄉俟兒生繞膝有弟去他方天
日經秋烈淮流到海長只憐三載客不寄一清觴

書楊方孝廉卷子因贈

長沂臨淮水非關羨釣魚願從伯起學最愛子雲居擲
塵譚名理揮毫寫道書交游湖海士為汝久停車

過桃源作

柳色驚春至桃源傍晚過茫茫垂白日滾滾見黃河野

卷一百一十五
成迴鴻雁飛塵暗馬駝當壚多美醞不醉奈愁何

將渡湖寄戴金蔡爾趾劉漢中黃世貴倪之煌

舒章王宏昌劉琯

藉爾為兄弟渾忘在客塗對花長共飲得草自相呼晚
歲慚鉤黨春山別釣徒荒雞重問渡涕泗滿前湖

宿州道中

遠樹低天碧春烟着地生乞漿林下意折柳路傍情聯
轡追徒語迴鞭惜馬行輕風吹短袂看過鄆陽城

春店

春店荒雞早寒關曉度遲一竿看日上百里任風吹野
火燒禾耗村烟掛柳絲巾車徒邂逅南北總無期

旭日

旭日鋪平楚春冰瀉曲河東來趨早集南去近朝歌鄉
窖同炊黍烽臺久荷戈登高逢令節竟向客中過

日日

日日見日出朝朝行暮春鳥啼懷故國馬首戀鄉人旅

唱吹山莞亭餐供野芹魚臺空渺渺無地可垂綸

和黃二翰過訪寓亭原韻

羈客空亭靜憐君捨棹過大都清興合只覺野雲多旅
草浮紅寺萱花映綠波開軒相送晚暝色上林柯

自梁歸道淮和黃二之翰辱慰原韻

梁苑清樽在曾從司馬游淮南歸棹近復為故人留招
隱青山暮懷君桂樹秋流離多誕節誰與賦旄丘

王生索姓贈字

攬勝時求友逢君喜得朋
鴻文垂皎日白恰耀層冰
慷慨追文度風流薄茂弘
芳名千載事誰不錫嘉稱

毛甡懷歸適陳二給諫賦梅柳度江春詩屬筆
寫情兼寄江南舊游諸公

臘盡流澌動春還淑氣妍
風花籠草樹愁思滿平川
梁苑收殘雪隋堤拂曙烟
江南與江北相望各淒然

二

羈旅蕭條候芳華次第開
春光何處度梅柳日佳哉
風

景他鄉暮烟花故國催芒芒江口望應有賦歸來

調執隨

并序

三原杜蒼舒攜僮執隨游山陰駱明府叔夜館之宴
溪山別業酒酣各起口占調執隨詩約先成得飲執
隨乃下拜捧酒為壽焉

高館醉春風相逢明下童燈前驚越豔花底見秦宮濕
葛裁衣白含桃漬齒紅越人歌未了愁殺杜陵東

嘉模
曰李

賀黃頭郎詩石雲濕黃葛濕葛
本此歌不作吟越人歌見說苑

種葛篇

種葛逾前坂生蒲滿上津日高懸馬的波細蹙魚鱗啼
鵲生名趙栖烏家姓秦青溪逢小妹不是秣陵人

逢吳廷楨白下

最念延陵裔相逢白下橋懷人貽綠綺久客在烏聊吳
女壚邊酒秦淮雨後潮獨憐長乞食吹笛不須邀

曠野

曠野猶行役荒城減送迎向風人語咽映日馬蹄橫同

父皆蒙難依人敢敗名短亭青草發相顧若為情

發滁州度關山嶺

秋杪方回轍冬寒又在塗日斜融凍草夜起剉霜芻紫
罽新車幔烏衣舊酒壚關山千里道一望總荒蕪

二

下蔡趨程緩南滁就道閒宵燈停館舍曉月度關山林
裏回車旆沙頭聽馬鑾依人方未達歲暮敢言還

清流關謁關將軍祠

夫子汾川秀風流世所師
闕山縈峻嶺燈火照神祠
集木鷄飛後垂堂虎卧時
同為亡命客下馬一相思

陸雲士曰啞啞飛鳴翔而後集見答操書又當時稱將軍為虎臣五六是借境作點注法闕山即清流闕姓非

江上答許君

未築吳中室還為江介遊
紅檣浮永夕白苧發清秋
貫酒三洲渡題詩萬歲樓
他年許元度相憶在同舟

雲間雜詩

避地過三泖探竒到五茸乘潮環白馬繫艦是青龍越
客追范蠡吳人識顧雍涉江秋正好不為採芙蓉

二

婁水雲間縣華亭谷口磯文章如積玉人士愛單衣海
鶴聽來晚江魚看漸肥只憐流蕩子無地可言歸

三

自昔雲間俊嘗推二陸才只今兄弟鈔又見董生來

董舍

進士俞孝廉兄弟
各以詩文名世

對策開金殿成文號玉杯如何龍躍

久猶自困蒿萊

四

清士看誰在佳兒本自超

謂徐致遠及子寧也

書篇留北海父子

著南朝有客吟芳樹延賓過遠條玉臺餘藻鑑好句待君標

五

慙慙橫雲麓還浮上海濱三江開夏后別浦念春申吹笛難歸楚無衣尚在秦西州當日路慟哭是何人

華商源曰西河兄弟俱少為
陳大樽先生所知故有落句

六

處州賢太守歸卧西郊廬

周使君茂源郊居

隔歲方貽劄經年

自著書趨庭饒孔鯉去郡解銅魚誰念籃輿內東方千
騎居

看雪即事和韻

飛雪滿層阿樓頭烏雀過暗雲長接地凍水不翻波落
絮拋朱網凝華積素柯江山千萬里憑眺試如何

宿吳氏江園感舊之作

碧樹叢叢暗紅欄處處通柳遮雲外月荷度晚來風慢
捲驚栖燕江深見下鴻迢迢銀漢影偏向畫樓東

簡婁縣黃明府

時新折華
亭為婁縣

鼓枻逋兒興開衙仙吏情人逢吳地勝縣本漢時名夜
雨青龍艦秋霄白苧城到來剛九日不敢問淵明

贈周綸

公子何年少才名世共諳門間推玉樹天上識瞿曇倒

屣驚河內分居在道南著書纔滿篋已自過桓譚

時過示文

集甚富

答張五彥之

吾思曲江叟垂老隱滄州狂士歌衰鳳隣人諱盜牛貽
詩如越石賣藥即韓休慚愧吹簫客千金何處酬

奉答東嘉陳玠客游見寄

仲舉真名士驅車賦遠遊文章傳洛下家世在東甌楚
頌湘蘭暮鄉書海鴈秋它時秦望月應對謝公樓

東嘉陳玠未經披覲曾夢予面以示于友宛然
有似知已不隔遂有此事辱貽詩記述會其
將歸奉答代論

苦憶青山外貽詩紫水傍前期要范岫掌夢藉平陽海
國蛟龍滿甌江道路長願君還故里勿復向西堂

平野

平野白漫漫中原朔吹寒高雲鵝背落積雪馬頭看堠
館冰蘂薄村田燎火乾千秋淮蔡路相顧在征鞍

早度荒莊鋪

亭鉦侵曉發旅酒隔宵沽
路白蕪霜濶莎紅帶日鋪
冰連狐跡淺木落鵲巢孤
冉冉荒莊度傷心又歲徂

津橋遇雨

圩岸初成道村橋數問津
雨絲颺里旆泥水泥車輪
碧玉壚頭女紅氍毹馬背
人衣緇全改素不用滌輕塵

秋早

秋早嫌霜薄村寒惜酒濃
沙程長換勒土堠自懸鐘
翠

鵝行高粱僵桃接斷墉天涯無匿作來往欲何從

馬上

馬上踟躕起傷哉構此生潔身逢緯繡早歲困戎兵偃
仰時逾邁縱橫計未成可憐翫懽久仍負佩弦情

磨盤嶺

早隊驅長礮前行俯峻鞍纓槍移樹小鈴鐸隔坡寒雨
隙分鵝路天低上蟻盤王陽時在險汨落不能乾

憇潁州城東廟

計程來賴上此地去河中路僻州城白村孤廟壁紅土
蘓擔婦爨路樹表神叢多少栖遲意行行荒郭東

贈金燾孝廉遠游

春草生江渚王孫正遠游高文驚五嶽折簡走諸侯柳
下青絲轡花間紫綺裘相逢韓別駕莫便醉楊州

和張廣文游白雲山作

客至山容勝春回澗道晴斷崖留雪跡虛壑受風聲天
遠看鴻度林長信馬行前岡題字處冉冉白雲生

寄張七梧江寧幕府

四載留河內三春傍海隅未逢曹子建長憶阮元瑜名
重雲間鶴飢隨幕下烏不知殷羨札曾得寄來無

金黃門五十

張湛馳堯闕王褒使故鄉蒼龍環北斗鳴鳳在朝陽
水呈丹錄秋花映皂囊黑頭看入相五十省中郎

客歸蒙王余高招集新宅同徐芳聲蔡仲光何
之杰文煥朱玉貞并令弟宗高分韻

洛下懷歸日譙東築室年
湔衣從久客把酒後諸賢
接檻藏幽壑當堦引細泉
斯遊如可紀應續永和篇

二

仲寶微言著方平相見疎
烏衣逢舊侶碧椀冒新蔬
啼鳥開簾靜觀魚出洞虛
酒闌探石室多有未藏書

雲間董進士舍招集以解
維不赴蒙寄見憶有

謝

高館方開宴前湖已問津
多情羅薦席無分接車輪
鄰

下行王粲蘭亭待許詢至今聞嘯詠愁煞湯舟人

懷董含

自別雲間去三年度汝溪將亭方二月吾憶董膠西

草春前寄蘋風醉後題

見寄詩有捲簾黃雀雨吹帽白蘋風句

雙緘思不

盡長使角巾低

二

結識空區宇誰能迥出群長辭季布約為看董生文暮
雨婁江樹春風上海雲思君獨不見歸鴈自紛紛

萬竹園沈九主考席同周玉忠虞相羅坤馮肇

梅令弟華范

客邸迎秋爽名園入畫陰樓從天半出池傍竹邊深接
軫皆聯壁傾梧宛瀉金大都乘興地翻見子猷心

同諸公登雨花臺

及茲秋日爽一上雨花臺城郭千重起江山萬里來青
天迴浩蕩黃葉下崔嵬六代繁華在看君作賦才

游佟園同沈嗣范主考令弟華范周玉忠羅坤

姜燦

佟園佳麗地臨眺及秋晴山啣虛閣迥水映畫廊明草
樹長林茂樓臺隔合歲祇因仙客到雞犬笑相迎

遇張梧江南幕

久別還行役重逢倍惻悽聞拋涇上宅仍挈鹿門妻謝
墅千秋築郝家一幕栖雖隱家室
俱在幕白魚潭自好勿徑住

青谿

別鷓隱江南有謝

東冶亭邊酒西州路下吟人從秣陵別情比大江深秋
氣迴長蕩天涯惜寸陰瀨中重在望何日好投金

沈秘書夜邸聽伎二首

暮雨過黃葉秋星出紫微臺城方漏下官舍有烏飛酒
色侵人面燈枝匝伎衣天河都瀉盡未覺按歌稀

二

樺葉燒堂燭桐陰鑠院齋賓車藏左轄商市散前街舞
罷調辛餞歌長換子牌最憐聽伎處門外是秦淮

吳塔符曰估散街前伎圍燈裏全非
汎寫至門外是秦淮則神思俱動矣

登牛首禪寺

牛首恢龍藏空山展妙臺金花三界落銀杏六朝栽磴
入雲間渺江從天際迴登臨雙闕上懷抱亦悠哉

二

紺國三乘竺丹梯百丈蓮獻花來衆鳥嵌壁掛諸天山
靜經聲遍峰高塔影懸懶融如說法願叩白雲邊

贈江寧守

吾欽龔渤海還遇杜荊州清如建業水操比秣陵秋署
有遷鶯木家傳買犢謳誰言策士賤不用過諸侯

二

領郡需廉吏分符儼上卿堂高雲滿坐車過雨隨行拔
韭從任氏披裘似晏嬰內庭頒手詔惟恐厭承明

晴雪

朔雪看晴霽忻然北郭行路寒冰未折竹動糝猶傾曲
渚凝潮黑陰崖背日明幽懷如洗濯襟帶有餘清

冬行

薄日融霜野嚴飈凍水陂
喜看山頂雪誤踏路傍枝
沙鳥連陰聚檐茅帶澤歌
蕭條松柏意惟有歲寒知

日涉

日涉荒園趣時來問舍情
槿花看午落茭蒂及秋生
野雀空倉聚隣雞高樹鳴
採桑春候早五馬待經行

旅病同游翻杜詩有露下天高秋氣清
一律散撮輳疊勿仍連偶因觸病字亦成
三首雖乖

大雅殊遣抑懷

獨步疎檐菊應驚宿雁鳴
新秋逢再病遙夜倚孤城
月下燈猶接天空露自清
雙帆看不至南北旅人情

二

旅臥人猶病山空魂獨驚
孤燈懸宿照雙雁下秋清
鳴杵高天露新書遙夜情
倚檐看北斗應接漢南城

三

孤月接高城秋空天漢清
鳳書懸不至牛宿看應驚
旅

杖逢人病山燈照夜情疎檐新露下猶自杵雙鳴

附陳康侯詩 病應高杖倚氣接夜檐清秋至人逢
菊山空月照城南天看北雁雙宿不孤鳴獨步懸燈

下無書
自旅情

臘日發章門戲翻李頎送司勳盧員外詩呈姜

侍御

欲發章門晚文題薦臘新漢郎今侍史仙女夜歸秦下
雪澌陽月添鴻度早春揚雄長草賦似憶道周人

二

柱下今歸發鴻文似五千長門題夜月女史侍秦仙春
草添新臘河流憶昔年新章雄建立早晚薦人傳

附陳康侯詩

雪色宮門晚揚雄薦賦新鴻歸已度

臘草發似傳春夜漢新流地河漸早下秦文題五千

者柱史
故仙人

贈日者顧生

詹尹端龜日君平賣卜年春風吹斗角河水下星田皂
帽欹孤榻青囊檢祕篇數升清酒在那計杖頭錢

西河集卷一百六十九

欽定四庫全書

集部

西河集卷一百

七十一

詳校官編修_臣曹城

助教_臣常循覆勘

總校官庶吉士_臣倉聖脈

校對官庶吉士_臣吳省蘭

謄錄監生_臣許溶

欽定四庫全書

西河集卷一百七十

翰林院檢討毛奇齡撰

五言律詩

越城觀獵

較獵越城東
旌旗出郭紅
翻鷹飛朔雪
走馬踏春虹
壯士爭金埒
將軍控角弓
離臺行樂地
驅騁夕陽中

登山曉樓望橫浦作

放曉登山郡乘秋望越臺江流從北去海日自東來鈴閣迎風動戈船下瀨迴天邊橫浦樹應傍嶺雲開

旅舍

旅舍盤丘壠他鄉戀物華露流常濕樹霜煖不彫花江減看帆小城荒覺路賒雁歸渾未定猶似滯天涯

姜都諫覲歸候轉

負弩作先驅銜恩假舊閭晝歸重戲綵春殿久牽裾上秩需遷詔空函貯諫書鄉遊真可羨數世有懸車

其尊人虞

部公為宗
伯公冢嗣

揚子橋示友

京峴雲霞曙蕪城草木凋
秋風渡寥廓海色上金焦
雁盡瓜洲樹人逢揚子橋
鄉關吳楚隔何處問歸潮

江南春

春到江鄉豔花連海郭
長清明無上已處處倚新粧
列閣環青嶂平船映綠楊
美人歸渡口宛轉墮明璫

二

冶色三臺麗晴光一望遙青田平繞路綠水細迴橋柳
市迷車騎頻風颺綺綃春陽一百日日日可憐宵

南征詞

大將下三瀧東風引旆幢戈船開曉驛花浪滿春江越
徼方馳檄甌蠻已受降畫梁新燕子早晚看成雙

蔡五十一同伯兄過尋甞西湖

故國歸難得春山望欲窮呼人谷鳥下尋弟黍苗中零
雨淹湖寺浮雲蔽海東三年襟上血相視暮燈紅

希軻曰新序以黍離為壽尋伋詩韓詩稱尹伯封求
凡伯奇不得作黍離黍而為稷者憂慙不識於物也
鳥鳴幽谷猶求
友生皆詩句

泊荻港

盪槩葭鄉遠維舟荻港稀蛟龍蟠水宿烏鵲近檣飛雨
歇繁昌驛烟橫板子磯當塗無舊土歌詠欲誰歸

冬夜湖西席限韻二首時計百司理將曉行

千載征西宴同時鄴下賢觴流歌管外燭墜舞衣前霜
拆嚴城靜星河曉幕懸驪駒誰待駕只有使君船

二

華館饒清興
新歌夜未央
裁詩劉庶子
別席庾西陽
月上移黃燭
霜霏薄羽觴
明朝有離客
歡譙轉難忘

東望

東望三江近
西看七澤長
到舟憐並纜
私語習他鄉
日落山城冷
烟生草店涼
波光千萬里
江路好難量

宿廬下早發

春坂橫江館
晨裝去市廬
霞翻城上錦
露散草頭珠
宿

蝶銜衣帶棲鴉起轆轤出門逢小吏剛向府中趨

題館壁

洛下花爭發河中水正流春陽生大道西北有高楼浦
口逢神女盧家字莫愁清宵深館燭猶許重淹留

從龍津達葛溪舟次

道路遄迴日江湖櫂散年彫山開古縣碧雨漲春田旆
轉沿洲市檣鳴上瀨船九龍前望杳彷彿度青天

登鎮海樓和友

絕檻橫秋聳危樓俯地雄烽烟遙海外樽酒大江東帆
影隨潮白楓林帶雨紅烏鳶千載泪長在和歌中

過陶桓公故居

奇績著天壤當年有老親求名憂士賤留客值家貧建
節長沙郡遺居鄱水濱我生悲負母感此涕盈巾

長門怨

莫作長門怨長門怨自長鑾輿迴上苑歌舞在平陽玉
殿鴟飛白金鋪日下黃願為華燭影夜夜侍君王

上舞昭君

翠羽辭春殿，羶車向朔風。
河流通塞口，野火照衣紅。
粉黛銷吳地，琵琶憶漢宮。
可憐上下舞，盡入怨歌中。

送客屯安州

洱海浮天遠，昆陽擴地遙。
新田還漢驛，壯士佩吳刀。
漕輓占城種，軍移鄖國苗。
轉輸無用諭，勿上長卿輶。

塞上曲

舊註曰古
西征也

太白動高秋，征人上戍樓。
風號沙曲裏，天盡海西頭。
半

壁跨關隴前軍度塞溝專征年尚少莫道未封侯

二

上將調邊畧中兵出渭橋黃花秦地戍赤幟漢年標雪
後留遮騎雲間逐射鵬古來稱善戰莫過霍嫖姚

三

出塞無中策開疆有上功沙流秋濯劍關月曉懸弓漢
陣三河震邊陰萬里空捷書連插羽看入未央宮

登富春山

放溜下江闕春風輟棹還晴雲開絕壁一眺富春江
鳥寒波靜山花錦石斑高樓吾所向聊此遂幽攀

赴新安至七里灘作

東歸苦行邁南涉上新安水木千雲亂沙禽拂浪寒孤
吟隨盪槩多難負垂竿何日風波靜還來住此灘

泊嚴灘有感

晚泊傍斜暉臨江泪滴衣年華新歲改京國故人稀雲
散崗巒彩天垂薜荔圍嚴陵臺下水但見暮潮歸

携田甥登嚴陵釣臺

縹緲臨高臺，凌虛亦壯哉。
浮雲分磴出，落日大江迴。
客臥千秋在，灘鳴七里來。
羊裘如可待，吾亦負竿才。

早渡揚子

孤嶼浮紅旭，高雲蕩碧虛。
揚帆迴北固，破浪出南徐。
曉樹迷三楚，春潮渡伍胥。
蘆碕何處是，湛湛欲愁予。

觀海

東去觀滄海，南行泛百川。
晨光開白地，秋水屬蒼天。
龍

徙三山外鵬飛六月前空期羨門子採藥是何年

二

初日浮孤島洪波蕩九垓南傾從混沌東望見蓬萊
起雲連湧鰈高水大來何當掛席去天畔一遄迴

三

秋色翻溟渤晨征企混茫乘槎隨漢使鞭石笑秦皇
水氣粘星黑潮流滾日黃大瀛環盡處久已識扶桑

戴公南歸餽予故宮人所用鏤管玉管二枝有

賦

彤管分金縷丹毛被綠璵長門曾寫賦東觀舊修書湘
竹隨巡去簪花供奉餘錦囊才啟視光采照衣裾

二

誰把昭陽珥攜來海上翁琬函傳漢代金管類湘東露
浥仙盤碧花披女袖紅如何淪落此相抱冶城中

看月

何處閨中月盈盈起故關金濡羈客袂空到美人顏遙

海生將滿高樓照未還秋來三度看兩度見弓彎

希軻曰古

詩有海上生明月
照高樓句五六用此

宿江寺

春宵宿上方春雨思茫茫花氣衝簾細江聲入郡長歌
樽通梵宇歸夢滿禪牀何事偏留滯吳鄉共楚鄉

送李琦還家襄州

送汝還襄鄧春風起大隄家浮青雀舫人唱白銅鞮諸
葛隆中客龐公江外妻可憐新種柳都似武昌西

遇邵二懷棠自潮州歸赴公車

故國三年別天涯一望長公車驅冀北客路返潮陽湖

海逢張儉才名重季方

令兄公南齊名

將攜新語奏莫戀橐中

裝

江閣新晴即事寄伯兄

客裏回初日樓前趁早晴近欄江氣落映壁水紋生曉
榻裁書遍春帆摺布輕愁霖罷唱久長負寄兄情

二

零雨銷江閣晴光滿郡湖奔流方捲練滴葉尚懸珠塞
雁乾將度原鵠煖自呼如何春候遠日日在修塗

禱詩

屢被春前酒重尋郭外村沿溪浮水碓深巷閉柴門啼
鳥一聲靜梅花萬樹繁南天苦流滯誰與賦丘樊

江園

江路入深深江園倚碧潄流雲當檻落接葉滿庭陰馬
埒沈春水魚牀啄暮禽何年商婦在時起隔江吟

過普安寺并看劉孝廉伎童學伎

古寺三車合荒城一徑斜秋雲籠寶塔曉露滴金沙紅

豆籬邊子青蓮座上花善才華鬢好看綰佛頭髻

寺有響塔

金沙泉

宛溪

宛溪八九月秋水繞溪生吾尋宛溪路還愛謝宣城樓
日褰簾皎溪花近岸明行遊垂盡處猶聽詠歌聲

送馮之京歸里

蕙帶束輕裝蕭然返故鄉甘貧辭薛客未老念馮唐零
雨川原迥干雲意氣長綠楊新慢影咫尺是河梁

襟詩

古驛通丹巘山亭障碧茅佳人酤竹葉乾鵲噪花梢地
僻鄉書斷江深市旆交春還愁未遣柳絮莫頻拋

遇黃大有贈

織貝裝書軸裁綵繞劍韜春光開白墮野馬掛青袍東
府賓朋遠南行江漢高翻飛餘背羽愧爾鳳凰毛

嗣佳
曰野

馬游絲
見莊子

秋後荷池泛舟

小艇下荷池秋風拂水涯
蒲磯收枕簟花浪蹙胭脂洗
袂牽菱刺停撓結柳絲
野塘歌詠罷剛值晚涼時

寄懷姜侍御圖南分司南昌

節鉞洪都府屏藩牛斗間
高名震吳楚偉伐控荆蠻
江樹思來渺湖雲望去閒
南昌陳仲舉應向稗亭還

丁司理偕內君王夫人玉映四十初度一在九

月一在七月

四十懸弧日同逢設悅辰建安推敬禮林下重夫人漉
酒黃花近支機綵馭新從來歌頴秀大抵在秋旬

希軻曰漢郊祀歌秋氣肅殺含秀垂穎閨中稱夫人
繫其生氏西河選越詩稱祁忠敏夫人為商夫人
或非之西河有覆友書甚辨如王司徒婦稱鍾夫人
右軍婦稱郝夫人李矩妻稱衛夫人鄭文學妻稱孫夫
人類世說王夫人與顧家婦對偶
然耳他便稱謝夫人矣見文集卷

宮詞

玉輦推青草金房敞碧渠龍盤仗下舞鳳轉殿頭書執

戟分環衛裁紈獻健仔長門無用賦愁殺漢相如

二

萬乘驚鑾馭千門識冕旒風高鳩鵲觀春暖鳳凰樓酒
捧南山翠花纏清渭流少君方進幸東望指瀛州

三

清宴迴長樂探春出未央侍臣青瑣闥仙母白雲鄉祕
戲迎瑁軫雄詞起柏梁昇平新有奏千載誦君王

四

御柳搖風細宮花滴露濃晨驅翻鐵騎晝漏下銅龍弟
子催供奉昭儀敕幸從仙盤頌瑞下擎出玉芙蓉

五

曉觀移仙仗春林轉羽旗徵歌宣曲殿教戰定昆池花
翦千垣綵星明五時祠飛來雙白鵠方上萬年枝

贈李昇就學

尚有詩書意寧無禮樂情我慙晉處士君作魯諸生晚
日花間酒春風江上城汾亭能就學從此送君行

題孤山表忠祠

事君蒙患難在昔死官僚樓觀祠遺烈冰霜識後凋
山銜天目雨雲湧浙江潮朝暮看歌舞忠魂應未遙

二

豈欲棲幽境曾經從鼎湖封章廷闕遠祠廟海天孤
絕閣環丹巘滄流漾碧蒲丘山懷古地下馬幾踟躕

孝女

孝女秉幽姿靈幃展素絲春蘭時會鼓夜火滿叢祠
江

畔青螺水碑陰黃絹詞商船留賽去愁煞上潮時

西施廟

浦口西施廟蕭蕭竹映門越王山下路寂寂葦蘿村紅
粉溝頭水青苔石上魂夜來餘里婦燈燭伴黃昏

題聽山堂

馬駿
別業

叢薄秋風裏歸然一草堂到來聽不盡只在此山陽管
席環笙磬桐臺翥鳳凰淮南有賓客洗耳向滄浪

聽羅牧彈琴

未辨絃中趣徒憐爨下材秋風吹海水落日照琴臺目
送歸鴻遠彈成野鶴來雍門原有泪不為薛公哀

二

阮氏長留嘯鍾期復鼓琴高臺垂晚日野寺間秋砧離
黍他鄉泪飛鴻國士心撫絃縈佇久祇為少知音

為河上白女冠彈琴作

旅泊依河岸鳴琴起高津華陽仙子操盧女漢宮人海
鳥銜紅藥天雞叫紫宸青谿凡五弄并入洞中春

入虎丘

斜日山塘暮清秋古寺分樓臺銜樹雨磐石坐溪雲地
勝開龍藏天高見雁群真娘墳上路長記醉紅裙

舟泊登望

朝雨五湖烟江南正採蓮丹樓憑浩蕩碧草望芊眠近
市要離冢浮家范蠡船可憐漂泊久愁過酒城邊

吹笛

伍相曾亡楚梁鴻乍入吳賃舂來有意吹笛向何途曉

樹迷長蕩秋風起太湖壺漿裁欲掩流涕下菰蒲

重過淨居

不信枝頭絮還為川上萍山門今又到礪水舊曾聽落
日穿林白空雲出岫青遠公高詠在留和滿中庭

岸坼

岸坼疑天盡沙平與地浮萬程惟水宿千古此江流篠
曲藏漁畱蘆花起棹謳烟波無限興相顧各悠悠

高郵

一片高郵水蒼茫曉纜開葦深知岸濶水濁自河來估
市懸帘繞驢車振鐸催沙城迴泊處檣櫓倚層臺

早發

曙鼓開朱鷁晨鉦出白陂波橫聯榜動風仄掛帆歌闕
遠征呼靜舟涼睡起遲檣烏啼最苦不使近船知

飲馬駿宅

我醉扶風酒南湖落照時叢蘭披草路鮮鯉壓花瓷解
珮聯刀錯傾觴倒接離原來絳帳外也有坐彈絲

沽酒

沽酒驛樓邊楊花入暮天車聲驚異地門影記當年江
下魚程度壚頭一醉眠春鶯如有恨啼殺碧簾前

過四洲寺與朱三馮大

共作臨川客頻從化國遊慈雲開象駕寒日戀烏裘人
事分雙樹天輪轉四洲上方憑眺迴應有仲宣樓

逢朱三却憶難兄朱大士稚

紺舍逢車笠黃花對酒卮天邊鴻雁侶衣上鵲鴝詩南

海聞琴夜山陽偶鍛時祇餘難弟在相顧泪如絲

鄧子

鄧子本龍驤相逢大道傍談兵迴駿馬吹笛上胡牀意
氣樽盤合闌城雨雪涼東都推將相誰不重南陽

故人黃開平死十年矣旅夢泣然醒而有述

委抱忽不樂幡然泪滿巾十年泉下友一夕夢中人別
路螢如雨荒城雞未晨可憐相憶語倉卒未曾申

入石溪寺

碧嶂縈溪遠青林入寺幽
塔前聽雨過城上見江流
寶

樹迷天界春花對客樓
到來題字者誰識舊裴休

寺舊有裴

休題額盧肇讀書臺

石溪寺遇雨

古寺倚青林禪關一榻深
江雷奔夜壑山雨破春陰
樓迥連官閣燈明見客心
故鄉千里月夢去幾追尋

東湖

東湖看落暉湖上啓雙扉
近水堤常濕無風花自飛
林

深重載酒春晚欲添衣舊日漁洲侶相過在益稀

沛城道懷大敬憲臣南士因作

二月淮徐道春風馬上行故人千里隔新柳萬條生鳳

舉慙河內鶯啼過沛城粉榆仍作社無限舊游情

希軻曰向

秀從嵇康鍛河內五君詠曰攀嵇亦鳳舉

碧樹

碧樹藏紅旆朱門映綠潭春風歸海甸寒食在江南官

市初調馬人家舊養蠶丹陽新柳下何處覓劉惔

望閣皂山

靈境何年到蓮花望裏生烟林浮海日雲氣滿江城地
迥丹臺遠春深洞壑清蒼蒼一以眺頓起故山情

除夕前一日崇仁官署分歲作

故友居官地他鄉分歲筵臘從明夜盡客向此宵圓栢
葉金盤酒千枝蠟炬烟誰憐江畔旅來日又經年

二

古署桃符改當筵爆竹新一堂分歲酒千里去家人燈

火留殘臘笙歌度早春
年華將盡處倍覺感沉淪

禱詩

夜雨增歸思朝曦動客愁
長林湖路迥細草寺堂幽
春色還南頓鄉書斷北郵
兩經暄煖候猶未換烏裘

登石鐘山

幾度經湖口今來眺石鐘
天風吹草木江浪起蛟龍
崩劣懸千仞烟波思萬重
手中無寸筵何以扣鐘鏞

四月八日游華藏寺并懷徐徵君繼恩逃禪湖

上

四月尋幽興三摩觀會禪
支公籤室外太子浴堂前
黃鳥銜春菓丹臺長夏蓮
流連當此日倍憶聖湖賢

宿建平僧舍

寒雲宿嶺頭隔嶺梵宮幽
門間山菓落牕外石泉流
燈影雙林白鐘聲萬壑秋
愁心與勞思到此共悠悠

菱湖晚眺

流浪經年遠前湖一望賒
晚風吹葦葉秋水散菱花
雲

浦停帆路烏程賣酒家相逢似相識延佇日將斜

人日

綵燕經年見仙萸七葉新久為江外客愁翦勝中人日
上平沙午風來故國春巴東千萬里極目轉傷神

賦得小寶珠山茶叢開同用分字

細蕊穠苞拆叢花小榦分凋槃扶絳蠟青女坐紅裙冬
日兼春日丹雲共綠雲階前頻翫賞莫負掌中芬

懷沈憲使大梁道署樓

避楚原非計迴梁已倦游君方還泖浦我又上釣州鳥
語開廳事花飛飲署樓憑欄歌八詠面面起春愁

飲大梁道署海棠樹下懷沈憲使荃

古署清缸發還思沈翰林十年賢使蹟一別故人心晚
繪菁初淪春棠花自陰庾公乘興地皎月坐來深

雨後飲黃兵部園林留詠并與黃二之翰

露席花間啓江舟雨後來橫廊堤柳接捲幔水亭開日
暈穿林薄烟絲掛酒栢名園饒遠興還上幾層臺

二

每渡珠湖曲長思紅板橋雨餘還盪漿風起自生潮碧
嶂依晴閣青田長夏苗平欄低水面四望總逍遙

三

雉堞連烟暝魚餐旁水多晚雲濃過樹積雨暗流柯濕
蝶沾紅網翻鷗起碧波空亭留襟被鐘磬動巖阿

四

碧幕銷紅藥青衫映綠苔座中誰最爽吾愛馬西樵簾

靜山逾霄天空鶴在霄繩牀歌嘯永不敢問歸橈

五

愛煞名園勝况茲園裏人論交誠有道作賦妙能神玉
樹開朱榭清觴度錦茵晚雲留客處野水自相親

宿少林寺夢跋陀飲予水

絕壑嵩陽晚西行宿少林月寒龍洞遠露下講堂深蓮
椀分丹液楊枝滴素心何年婚嫁畢重向夢中尋

送虎丘僧遊天台

飛錫朝乘嶠浮杯夜渡湖
檣溪臨絕磴花頂拔當塗
清

嘯成公賦

希軻曰成公綏登天台赤欄橋作賦

高披孫令圖石梁如可過

萬里一相呼

二

勝域追遊近名賢
餞送多杖來吳地
月掛去海門
蘿瓊樹明丹闕
桃花泛碧河
支公習靜後
丘壑竟如何

三

天畔開丹壑
霞標建赤城
荷瓢橫海去
曳杖入雲行
曉

日千巖立春風衆鳥鳴金庭垂碧澗知汝早留名

西河集卷一百七十